

## **DEDICÀCI**

### **PÈR L'ENFANT QU'AI PAS AGU...**

Aro que vèn lou tèms de la pauso achaumido,  
E que lou vèspre calo à l'orle di campas,  
Pèr tu que moun esmai pourtè long de ma vido,  
Entamène lou libre ounte viéuran ti pas.

Coume d'un cire escrèt la flamo trantaiejo  
E flaquis dins l'oumbrun de la clastro, à l'errour,  
Toun amo dins moun amo espelis e soumbrejo,  
O tu, l'enfant secrèt qu'auras pas vist lou jour.

Se lou Paire d'amount, creatour d'armounò,  
Pèr sousta ma feblesso e flouri moun camin,  
Avié, vers un coumpañ, fisa moun alegriò,  
Sariés nascu de iéu, enfant de moun destin.

Souleto ai camina, t'esperant, mai de bado!  
Ai tant sounja de tu, jouvènto, dins mi niue,  
Que te counèisse proun, rejoun dins ma pensado,  
Pèr saupre la coulour qu'aurien carga tis iue.

Dins l'escur sènso dóu dis amo noun trachido,  
Soumihes eiçavau, mai te sènte pamens,  
E vers tu, moun enfant, resignado e vièrido,  
Auboure la flambour de mi long pensamen!

Lou 4 d'Abriéu de 1940